

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

NEKAZARITZA SAILA

Foru Gobernu Kontseiluaren 255/2022 Erabakia, apirilaren 26koa. Onestea abereak errepidez garraiatzeko ibilgailuak garbitzeko eta desinfektatzeko zentroak hobetzeko edo eraikitzeko biosegurtasunaren arloko inbertsioetarako laguntzak emateko zein ugalketarako landare materialen ekoizle jakin batzuek mintegietan biosegurtasunaren arloan egindako inbertsioetarako laguntzak emateko deialdia, Berreskuratze, Eraldatze eta Erresilientzia Planaren esparruan, EBren Next Generation EU funtsen bidez finantzatua

COVID-19a agertzeak osasun, ekonomia eta gizarte arloko krisia ekarri du mundu mailan, aurrekaririk gabekoa. Horren ondorioz, munduko ekonomian aldaketa nabarmena gertatu da, eta mundu gehienean atzeraldi handia ere ekarri du.

Pandemiak Europan eragindako ekonomia eta gizarte kalteak ahalik eta gehien arintzeko xedez, Europako Batzordeak, Europako Parlamentuak eta Europako Kontseiluak suspertze plan bat ezartzea erabaki dute. Helburua krisitik ateratzen laguntzea da, eta horretarako, dirulaguntza pakete batez baliatu dira.

«Next Generation» berreskuratze funts berriak biltzen ditu finantza baliabide gehienak, eta bere elementu nagusia «Berreskuratze eta Erresilientzia Mekanismoa» da. Horri esker lortuko ditu, hain zuzen, Arabak, finantza baliabideak, itzuli behar ez diren laguntza gisa.

Espainiako Erresumak Berreskuratze, Eraldatze eta Erresilientzia Plana aurkeztu zuen 2021eko apirilaren 30ean, eta horrek, 2021-2023 urteetarako inbertsio eta berrikuntzak ezartzen ditu. Europako Batzordeak planaren aldeko txostena egin zuen 2021eko ekainaren 16an, eta 2021eko uztailaren 13an behin betiko onetsi zuen Europako Kontseiluak, gauzatzeko erabakiaren bidez.

Azaroaren 2ko 949/2021 Errege Dekretua, Berreskuratze, Eraldatze eta Erresilientzia Planaren esparruan, nekazaritzaren eta abeltzaintzaren iraunkortasuna eta lehiakortasuna bultzatzeko planaren (II) barruan inbertsio proiektuak gauzatzeko estatu laguntzak emateko oinarri arautzaileak ezartzen dituen, zehazki, Planaren 3. osagaiaren 3. inbertsioaren baitan dago (hau da, C3. I3aren barruan):

Dekretu horrek, 949/2021 Errege Dekretuaren, Espainiako Konstituzioaren 149.1.13. artikulua- ren babespean ezarritakoaren, foru ordenamendua ordezkatzen du. Artikulu horrek, eskumen eksklusiboa ematen dio Estatuari bai oinarrien, bai ekonomia jardueraren plangintza orokorraren koordinazioaren, arloan.

Euskal Herriaren Autonomia Estatutuaren 37.3 a) artikuluan xedatutakoaren arabera, Arabako Lurralde Historikoko foru organoek eskumen eksklusiboa dute beren erakundeentzako antolaketan, araubidean eta funtzionamenduan.

Bestalde, azaroaren 25eko 27/1983 Legeak, zeina baita Euskal Autonomia Erkidegoko erakunde erkideen eta lurralde historikoetako foru organoen arteko harremanetarakoa, 7. artikuluan lurralde historikoei aitortzen die erakunde erkideek nekazaritza erreformatzeko eta garatzeko, nekazaritza sustatzeko eta sektoreko langileak gaitzeko eta animalien produkzio eta osasunerako emandako arauak garatzeko eta betearazteko eskumena.

Azkenik, Arabako Foru Aldundiaren 2022rako gastuen aurrekontuan bada partida bat, 40101. G/414400/77000421 "NGEU Nekazaritza eta Abeltzaintza" izenekoa, 261.744,60 eurokoa 2023 urtekoan, laguntza lerro horiek izapidetzeko. Hortaz, urte horretako deialdia onetsi beharra dago.

Aginduzko txostenak ikusi dira, eta Nekazaritza Saileko foru diputatuak proposaturik eta Foru Gobernu Kontseiluak gaur egindako bilkuran gaia aztertu ondoren, hau

ERABAKITZEN DUT

Lehenengoa. Dirulaguntza hauek emateko 2021-2022 urteetarako deialdia onestea, guztiz finantzatuta Espainako Estatuak. Berreskuratze, Eraldatze eta Erresilientzia Planaren esparruan. EBk finantzatuta. Next Generation EB. Hona xehetasunak:

1. Laguntza motak eta diruz lagundu daitezkeen inbertsioak:

– Biosegurtasunaren arloko inbertsioetarako dirulaguntzak, abereak errepidez garraiatzeko ibilgailuak garbitu eta desinfektatzeko zentroak hobetzeko, edo xede horrekin zentro berriak eraikitzeko.

– Estatuko dirulaguntzak intsektu bektoreetatik babesteko instalazioetan inbertsioak egiten dituzten landare material jakin batzen ekoizle kategoriako operadore profesionalentzat.

Hori guztia, azaroaren 2ko 949/2021 Errege Dekretuan ezarritako oinarri arautzaileekin bat etorriz. Errege Dekretu horren bidez, abereak errepidez garraiatzeko ibilgailuak garbitzeko eta desinfektatzeko zentroak hobetzeko edo eraikitzeko biosegurtasunaren arloko inbertsioetarako, eta ugalketarako landare materialen ekoizle jakin batzuek mintegietan biosegurtasunaren arloan egindako inbertsioetarako dirulaguntzak emateko oinarri arautzaileak, Berreskuratze, Eraldatze eta Erresilientzia Planaren esparruan

2. Eskaera bakoitzerako lehentasun irizpide orokorrak:

Oinarrietan ezarritako irizpide orokorrez gain, abereak errepidez garraiatzeko ibilgailuak garbitzeko eta desinfektatzeko zentroak hobetzeko edo eraikitzeko biosegurtasunaren eskaerak lehenesteko, beste bi irizpide gehitu dira:

Eskatzaile motaren arabera:

- Eskatzaileak nagusiki nekazaria izateko baldintza betetzen du: 4 puntu.

Pertsona juridikoen kasuan, lehentasun hori betetzen dutela ulertuko da bazkideen ehuneko 50ek gutxienez baldintza hori betetzen dutenean eta kapitalean edo banaketa kuotan nagusiki nekazari direnen esku dagoen partaidetzaren ehunekoa gutxienez ehuneko 50ekoa denean.

- Eskatzailea emakume nekazaria da: puntu 1.

Pertsona juridikoen kasuan, lehentasun hori betetzen dutela ulertuko da kapitalean edo banaketa kuotan emakumeen esku dagoen partaidetzaren ehunekoa gutxienez ehuneko 50 denean, elkartutako pertsona fisikoak bi badira, edo ehuneko 40 denean, elkartutako pertsona fisikoak hiru edo gehiago direnean.

3. Eskaera bakoitzerako lehentasun irizpide espezifikoak:

Ez da lehenespen irizpide espezifikorik ezartzen programa bakar baterako ere.

4. Dirulaguntzaren ehunekoa eta laguntzaren gehieneko zenbatekoa programa bakoitzerako:

Dirulaguntzaren ehuneko hau ezartzen da programa bakoitzerako:

4.1. Abereak errepidez garraiatzeko ibilgailuak garbitzeko eta desinfektatzeko zentroak hobetzeko edo eraikitzeko biosegurtasunaren arloko inbertsioetarako:

Inbertsio bakoitzeko dirulaguntzaren gehieneko kopurua inbertsioaren ehuneko 70 izango da, eta, gutxienez, inbertsioaren ehuneko 40, aurkeztutako eskabide kopuruaren eta aurrekontu erabilgarriaren arabera.

Garbiketa eta desinfekzio zentro berriak eraikiz gero, diruz lagundu daitezkeen inbertsioaren gehieneko zenbatekoa 200.000 euro izango da garbiketa eta desinfekzio zentro bakoitzeko. Inbertsio bakoitzeko dirulaguntzaren gehieneko kopurua inbertsioaren ehuneko 70 izango da, eta, gutxienez, inbertsioaren ehuneko 40, eskabide kopuruaren arabera.

4.2. Estatuko dirulaguntzak intsektu bektoreetatik babesteko instalazioetan inbertsioak egiten dituzten landare material jakin batzen ekoizle kategoriako operadore profesionalentzat.

Dirulaguntzaren zenbatekoa egindako inbertsioaren arabera izango da, eta diruz lagundu daitekeen gehieneko inbertsioa 120.000 euro izango da instalazio bakoitzeko. Zenbateko hori inbertsiorako eskatutako zenbatekoaren ehuneko 40 eta ehuneko 70 artekoa izan daiteke, onuradun kopuruaren eta aurrekontu erabilgarriaren arabera.

5. Laguntzaren ordainketa partzialak:

Ordainketa batzuk ziurtagiri partzialen gainean egin ahal izango dira. Horretarako, beharrezkoa izango da egindako obraren bolumena egiaztatzen duen ziurtagiri teknikoa izatea, eta obra bolumen horri dagokion faktura aurkeztea, bai eta faktura hori hurrengo apartatuetan adierazitako moduan ordaindu izanaren egiaztatzea ere.

6. Eskaerak aurkeztea:

Eskabideak aurkezteko epea: hogeita bost egun baliodun, erabaki hau ALHAOn argitaratu eta hurrengo egunetik zenbatuta; hori guztia, Administrazio Publikoen Administrazio Prozedura Erkidearen urriaren 1eko 39/2015 Legeak 16.4 artikuluan ezarritakoa alde batera utzi gabe. Epearen azken eguna baliogabea bada, hurrengo egun baliodunean amaituko da.

Eskaerak aurkezteko epea eta lekua:

Eskaerak elektronikoki aurkeztu behar dira Arabako Foru Aldundiaren egoitza elektronikokoaren bitartez (<https://egoitza.araba.eus/-/tr-registro-electronico-comun>), edo beste administrazio publiko batzuen erregistro elektronikoen bitartez.

Egoitza elektronikokoaren zerbitzuak erabiltzeko, nahitaezkoa da modu telematikoan identifikatzea, ziurtagiri digital baten edo BAKO sistemaren bidez, hemen: <https://egoitza.araba.eus/es/sede-electronica/conoce-la-sede/como-accedo>.

Eskaerak eskatzailearen ordezkari batek ere aurkeztu ahal izango ditu, baldin eta aurrez izapide hori gauzatzeko beharrezko baimen maila ezarri bada egoitza elektronikokoan: <https://web.araba.eus/es/sede-electronica/autorizaciones>.

Eskabideak inprimaki normalizatuan aurkeztuko dira eta inprimaki horietan lehena dokumentazio orokorrari buruzkoa izango da, eta gainerakoa laguntza programa bakoitzari buruzkoa.

7. Kreditu erreserba: Arabako Foru Aldundiaren 2022rako gastuen aurrekontuko 40101. G/414400/7700421 "NGEU Desingekzio eta Biosegurtasuna" izeneko partidaren 2023. Urterako kargua, 261.744,60 euro:

a) Biosegurtasunaren arloko inbertsioetarako dirulaguntzak, abereak errepidez garraiatzeko ibilgailuak garbitu eta desinfektatzeko zentroak hobetzeko, edo xede horrekin zentro berriak eraikitzeko: 125.706,00 euro.

b) Estatuko dirulaguntzak intsektu bektoreetatik babesteko instalazioetan inbertsioak egiten dituzten landare material jakin batzen ekoizle kategoriako operadore profesionalentzat: 136.038,60 euro.

Kreditu hori zenbateko gehigarriekin handitu ahal izango da, Arabako Lurralde Historikoko Dirulaguntzei buruzko urriaren 19ko 11/2016 Foru Arauak 21. artikuluan ezarritako mugen barruan, baita aurrekontu partidan edozein arrazoiengatik gerta litekeen kreditu gehikuntzaren bidez ere. Zenbateko gehigarri horiek, gehienez ere, hasierako zenbateko erreserbatua adina izango dira.

Bigarrena. Aldatzea Diputatuen Kontseiluaren abenduaren 27ko 840/2019 Erabakiaren bidez 2020-2022 aldirako onetsi zen Foru Sektorre Publikoaren Dirulaguntzen Plan Estrategikoaren eranskina (abenduaren 28ko 827/2021 Erabakiaren bidez aldatua), erabaki honen eranskinean ageri den edukia sartzeko.

Hirugarrena. Nekazaritza Saileko foru diputatuari ahalmena ematea erabaki hau garatu eta aplikatzeko beharrezkoak diren xedapenak eman ditzan.

Laugarrena. Deialdi hau azaroaren 2ko 949/2021 Errege Dekretuan ezarritako oinarrien araberaren arautuko da.

Bosgarrena. Erabaki hau ALHAOn argitaratu eta hurrengo egunean jarriko da indarrean.

Vitoria-Gasteiz, 2022ko apirilaren 26a

Diputatu nagusia

RAMIRO GONZÁLEZ VICENTE

Nekazaritza Saileko foru diputatua

EDUARDO AGUINACO LÓPEZ DE SUSO

Nekazaritza zuzendaria

M^a ASUNCIÓN QUINTANA URIARTE